

հրամայեաց 'ի թագաւորական գանձէ, զոր եղիտ 'ի քաղաքին, տալ զփրկանս ժողովրդոց: Եւ յետ այնորիկ յանձն արար զբանալիս բերդին, և երաց զդրունս քաղաքին, և եմուտ Սալահատտին փառօք 'ի ներքս յաւուր ուրբաթու: Այսպէս առաւ Երուսաղէմ 'ի Սալահատտինէ յամի Տեառն 1187, և 'ի թուին Հայոց 636 եւ Հիճրեթին 588. Հոկտեմբեր 2. յետ տիրելոյ նմա Լատինաց ամս 88: Եւ վերջտին սկսաւ ծածանիլ Մահմետական դրոշն 'ի վերայ պարսպաց նորին: Այլազգիք գտին 'ի քաղաքի անդ զարս և զկանայս և զմանկունս աւելի քան 4100,000 ոգիս, եւ Սուլթանն ետ փակել զդրունս քաղաքին, և կացոյց զոստիկանս և դպիրս ժողովել զսահմանեալ հարկն. սակայն բազումք կախեալ պարանաւ ընդ պարիսպն փախեան, ոմանք զողեցան 'ի տունս, և այլք զերծան 'ի ձեռն միջնորդաց: Արձակեաց Սուլթանն ընչիւք առանց վնասու զոմն երեւելի Բամբիշ, զկին և զորդի թագաւորին Գուլտունի, և զոմն իշխանուհի դուստր Փիլիպպոսի, եւ մայր Հանկրի, և զայլս որք ընդ նոսա էին:

Գտան 'ի ամին ժամանակի 'ի քաղաքին (՝) 300 ուխտաւորք յազգէն Հայոց, այլ չառին ինչ 'ի նոցանէ. մի ոմն յիշխանաց Սուլթանին խնդրէր նաեւ 41000 ոգիս 'ի Հայոց, բայց յայտ արարին թէ՛ նոքա են կրօնաւորք բնակեալք յերուսաղէմ և 'ի չրջակայս նորա, զորս եթող Սուլթանն: Վաճառեցին Լատինք զինչս և զստացուածս իւրեանց դիւրագին, և զայլս թողին 'ի բաց, և մեկնեցան 'ի քաղաքէն. ժողովեալ եբարձ Պատրիարքն զամենայն զարդս և զճանրագին սպասս եկեղեցեաց և տաճարին Ս. Յարութեան և 13,000 կրօնակիցս իւր իբրեւ հոգեւոր որդիս, զորոց ազատութիւնն պատուական գիտէր քան անձին իւրոյ: Ամատէտտի դպրապետն դժկամակ եղեւ ընդ այս և մատուցեալ առ Սուլթանն ասէր. թէ՛ չէ օրէն քրիստոնէից զայնչափ հարստութիւն հանել 'ի քաղաքէն, սակայն Սուլթանն արգել զնա 'ի խորհրդոյն, մի բռնասցուք ասէ 'ի

(՝) Արաբացի պատմիչն սխալի աստ, զի 300 թիւն էին կրօնաւորք Հայոց բնակեալ 'ի վանօրայս. իսկ հազար անձինք՝ էին 1000 տունք բնակիչք Երուսաղէմի. կային նաեւ Հայք 'ի Բեթղէհէմ, 'ի Քերէք և յայլ ուր, որ 'ի ամին ժամանակի եղեն ցիր և ցան: